

Kata Pengalo – Ngalo Ras Momo

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungen Tuhan, bage pe rencana pelayanan gerejanta ku bas wari-wari si reh enda ([Ngogeken Momo](#)).

Kata Penaruh

=====

Turang ras Senina, Dibata nepa doni enda ras kerina isina alu dem kiniulin. Kemulian Tuhan ersinalsal i babo kerina tinepaNa. IpehagaNa kita alu nepa kita tudu ras tempasNa, jenari i diloNa kita jadi temanNa mpekena-kena doni enda, njaga kiniulin ras kemulianNa subuk i bas dirinta bagepe i bas kerina tinepa. Arah kebaktin enda, ate Dibata empersingeti kita ulihi kerna kiniulin Dibata si enggo ituduhkanNa i bas kerina tinepaNa. Mari dage kita mpesikap ukurta ngadap man Dibata.

Erkata Lonceng

(Perp. Tedis)

Rende

KEE No. 2 : 1, 2

(Serayan Kebaktin Bengket Ku Mimbar)

Kebaktin Minggu, 19 Januari 2025
Minggu Epiphany II/ Dibata Mpetandaken DiriNa

3	Votum – Salam <i>(Perp. Tedis)</i>
L	Kebaktin enda lit i bas gelar Dibata Bapa sinepa doni enda, i bas gelar Jesus Kristus simpelimbarui tinepaNa ras i bas gelar Kesah Si Badia si mpegegehi manusia guna njagai isi doni. Perkuah ate ras dame i bas Dibata Bapa ras i bas Tuhan Jesus Kristus nari, i bas kerembaken Kesah Si Badia, ras kita kerina gelah, Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“TUHAN mereken matawari guna nerangi suari si mereken bulan ras bintang-bintang nerangi berngi. IgawerNa lau lawit maka ergeruhguh. Gelarna e me: TUHAN si Mada Kuasa” (Jeremia 31 : 35). Erpalasken Kata Dibata enda, sipuji Dibata alu radu ras kita kengendeken : KEE No. 201 : 1, 2, 3
5	Pujin Kerna Kemulian Tuhan <i>(Perp. Kundul)</i>
L	Marilah sipuji Tuhan i bas kiniulinNa man banta, nintalah i bas ukurta sekalak-sekalak : Ipuji kami Kam Tuhan. Kam enggo nepa doni enda seh kal ulina. IberekenNdu taneh si mehuli ingan kami erdahin, dinging ingan kami ndatken pasu-pasuNdu. IitkenNdu kerangen meratah ras lau si meciho gelah kami mejuah-juah. IbahanNdu deleng-deleng si meganjang si ngingetken kami kerna kuasa ras kemulianNdu. Terpujilah Kam Tuhan, arah kerina tinepaNdu.
L	Sipuji Tuhan alu ras kita rende arah : KEE No. 262 : 1, 2, 4
6	Kinata Kegeluhen Manusia i Tengah-Tengah Doni Si Itepa Dibata
L	Dibata mereken tanggungjabab guna ngusahai doni, gelah manusia nggeluh alu mehuli radu ras tinepa si deban. Arah kiniulin eme teridah kemulian Dibata. Kai ndia si enggo sibahan i bas

	<p>tanggungjawab si enggo ibereken Dibata man banta ?</p> <p style="text-align: center;"><i>(Paksa Teneng)</i></p> <p>L I bas paksa enda marilah kita mungkuk i adep-adepen Dibata, ngakuken kerina kelepakenta ras kinilangasupenta guna njagai ras mpekena-kena doni enda.</p> <p>P O Tuhan, ngaku kami kerna dosa ras kelepaken kami. Enggo reh cedana doni enda, erkiteken kelepaken kami. Megati kami la ngasup melasken ras ndalanken sura-suraNdu, seh maka reh cedana doni enda i lebe-lebe mata kami. Alemilah kami o Tuhan.</p> <p>L Sisehken pingko-pingkonta man Dibata alu ngendeken : KEE No. 260 : 1, 2, 3</p>
7	<p>Padan Dibata Man Si Ngakuken Kinilatunggungenna <i>(Perp. Tedis)</i></p>
L	<p>Selaku persuruhan Dibata, aku nehken kataNa man banta kerina, si ngakuken dosanta :</p> <p><i>“Aku me Dibata si nepa doni enda alu kemulianKu, Aku setia man bandu, perkeleng ateKu tetap rasa lalap, amin gia kam rusur ndabuh i bas dosa, keleng ateKu la urak man bandu. Kualemi dosandu, janah Kubereken kengasupen man bandu guna njagai doni enda, ernalemlah man bangKu, sabab Aku me ulu gegehndu”</i></p> <p>I bas kita enggo ngaloken padanNa, emaka rende kita : KEE No. 263 : 1, 2, 3</p>
8	<p>Kata Dibata <i>(Perp. Kundul)</i></p>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab Ketangkasen 21 : 1 - 8. Mari siogeken secara pegancih. Sibenaken pengogenta</p> <p style="text-align: center;"><u>Surga si mbaru ras doni si mbaru</u></p>
21:1 L	<p>Jenari kuidah Surga si mbaru ras doni si mbaru. Langit si pemenana ras doni si pemenana enggo lesap, dengen lawit pe lanai lit.</p>

21:2 P	Janah kuidah Kuta si Badia e, Jerusalem si mbaru, nusur i Surga nari, i bas Dibata nari, enggo sikap bagi sekalak penganten si enggo ipetik guna njumpai perbulangenna.
21:3 L	Kubegi sora si megang ngerana i bas kursi Kinirajan e nari, nina, “Genduari Kemah Dibata lit i tengah-tengah manusia! Ras manusia me IA nggeluh, janah manusia jadi anak-anakNa me. Ringan me IA i tengah-tengah manusia janah IA me jadi Dibata manusia.
21:4 P	Iapusi Dibata me kerina iluh anak-anakNa e. Lanai pagi lit kematen, ceda-ate, tangis ntah pe si mesui. Sabap si pemena enggo lepas.”
21:5 L	Jenari ngerana si kundul i bas kursi kinirajan e nina, “Nehenlah, genduari Kubahan kerina jadi mbaru!” Kenca bage nina, “Suratkenlah enda, sabap kata enda tuhu janah terteki kap.”
21:6 P	Tole nina, “Enggo dung! Aku kap si erkuasa mula-mulana nari seh ku kedungenna. Aku kap Tuhan mula-mulana nari seh ku si pendungina. Man kalak si muas Kubereken me lau inemen i bas ulu lau kegeluhen nari la ertukur.
21:7 L	Kalak si menang ialokenna me si enda. Aku me Dibatana janah ia me jadi anakKu.
21:8 P	Tapi kalak si percikcik, si la erkiniteken, si mbau lagu langkahna, pemunuh, kalak si perlua-lua, tukang sihir, kalak si nembah berhala-berhala ras kerina si perguak, inganna e me lawit api ras kertah si gara, e me kematen si peduaken.”
	<p>Ketuahen kalak si megiken kata Dibata, dingen si makekenca i bas geluhna si teptep wari. Haleluya.</p> <p>Ialoi perpulungen alu ngendeken :</p> <p><i>Haleluya Haleluya Haleluya</i></p>

b	Ertoto guna Khotbah
c	Khotbah : Masmur 24 : 1 - 10. Tema : “Tuhan Kap Simada Doni ras Isina Kerina”
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintan Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen <i>(Perp. Kundul)</i>
L	<p>Kata Dibata si jadi palas i bas kita nehken persembahenta man Dibata : <i>“Kerina ibahan Dibata sue ras si ngena ateNa dingan rikutken si enggo itetapkenNa. Tangtangna nari kita enggo ipilih Dibata sabap IA ersura-sura gelah kita dat bagin i bas kai si enggo jadi sikerajangen Kristus. Janah gelah kita, kalak si pemena erpengarapen man Kristus, nggeluh tama pujin man kemulian Dibata”</i> (Epesus 1 : 11 - 12).</p> <p>Iherta ngendesken persembahen rende kita ibas : KEE No. 445 : 1, 2, 3, 4</p> <p>Pertoton Persembahen ras Syafaat</p>
11	Perpadanen Man Dibata <i>(Perp. Tedis)</i>
L	Dibata nepa kam alu tempasNa gelah kam ngasup jadi temanNa

	guna njagai ras mpekena-kena doni enda.
P	Bujur Tuhan i bas kengasupen si iberekenNdu man kami, erpadan kami guna njagai ras mpekena-kena doni enda.
L	Kerina ibereken Dibata man bandu gelah kegeluhenndu pe jadi mehuli.
P	Ateku tetap njaga kiniulin Tuhan, si enggo isuankeNdu i bas diringku
L	Guna mpeteguhi perpadanenta man Dibata, sipuji Tuhan alu rende : KEE No. 367 : 1, 2, 3
12	Pertoton Tuhan
13	Pengutusan Ras Pasu-Pasu Dibata
L	Bengketlah kam ku bas kegeluhenndu si teptep wari, pekenakenalah doni enda, “Ingetlah, maka Dibata tetap kap ras kam seh ku kedungen doni enda”, dengen aloken pasu-pasu idur Dibata nari : <i>“Ipasu-pasu janah ikawali Dibata kam, siang ayo Dibata ersinalsal ibabondu, janah melias ateNa ngenehen kam. Itatap Dibata ku kam, janah malem atendu ibahaNa”</i> . Amin.
	Ialoi perpulungen alu ngendeken : A..min A....min Amin
	<i>SELAMAT WARI MINGGU/SYALOOM.....</i>